



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 11. i 13. Odluke o izvršavanju Budžeta Općine Centar Sarajevo za 2025. godinu (Službene novine Kantona Sarajevo, broj: 06/25 i 10/25), člana 8. Pravilnika o uslovima i kriterijima za izbor korisnika sredstava Budžeta Općine Centar Sarajevo iz oblasti kulture („Službene novine Kantona Sarajevo“, broj: 14/25), Pravilnika o izmjeni Pravilnika o uslovima i kriterijima za izbor korisnika sredstava Budžeta Općine Centar Sarajevo iz oblasti kulture, broj: 01-45—325/25 od 24.04.2025. godine, i Odluke o pokretanju postupka raspisivanja i provođenje Javnog poziva broj: 13-11-2612/25 od 29.04.2025. godine, Općinski načelnik upućuje

JAVNI POZIV za izbor korisnika i dodjele sredstava iz Budžeta Općine Centar Sarajevo iz oblasti kulture za 2025. godinu

I OPIS PROGRAMA

Predmet javnog poziva je raspodjela budžetskih sredstva institucijama kulture, kulturno - umjetničkim društvima, te podrška manifestacijama i festivalima iz budžeta Općine Centar Sarajevo. S ciljem unapređenja kulturnih sadržaja na području Općine Centar Sarajevo, planirana su sredstva u Budžetu Općine Centar za 2025. godinu na sljedećim pozicijama:

- 614121-17 Transfer za kulturu, institucije kulture za programske aktivnosti u iznosu od 120.000,00 KM
- 614311-16 Transfer neprofitnim organizacijama kulturno- umjetnička društva u iznosu od 30.000,00 KM
- 614311-7A Tekući transferi neprofitnim organizacijama za festivalske aktivnosti po Smjernicama u iznosu od 80.000,00 KM

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

Navedena sredstva bit će dodijeljena za finansiranje/sufinansiranje aktivnosti i projekata iz oblasti kulture i umjetnosti koji se realizuju u toku tekuće godine u sljedećim oblastima:

- a) Pozorišna produkcija i manifestacije;
- b) Zaštita filmske kulturne baštine – filmske građe i manifestacije iz oblasti filmske produkcije;
- c) Izložbe i manifestacije iz likovne i primijenjene umjetnosti, te vizuelne i multimedijalne vizualne umjetnosti;
- d) Muzičke i muzičko-scenske umjetnosti;
- e) Izvorno kulturno-umjetničko stvaralaštvo;
- f) Arhivska djelatnosti;
- g) Bibliotečka djelatnost;
- h) Muzejsko-galerijska djelatnost;
- i) Književno-umjetničko stvaralaštvo u oblasti izdavačko-stamparske djelatnosti i književne manifestacije;

- j) Kulturno stvaralaštvo nacionalnih manjina;
- k) Kulturno stvaralaštvo invalidnih lica i lica sa posebnim potrebama;
- l) Edukativni programi iz oblasti kulture;
- m) Kulturno umjetničke manifestacije i festivali

II CILJEVI ZA IZBOR KORISNIKA SREDSTAVA

Osnovni cilj Javnog poziva je osigurati transparentnu, efikasnu i pravednu raspodjelu budžetskih sredstva institucijama kulture, kulturno - umjetničkim društvima, kao i osigurati adekvatnu i sistemsku podršku manifestacijama i festivalima iz budžeta Općine Centar Sarajevo (u daljem tekstu: Općina).

Posebni ciljevi za izbor korisnika i raspodjelu sredstva Općine su:

- a) Podsticanje stvaralaštva u oblasti kulture;
- b) Uključivanje što većeg broja djece i mladih u programe iz oblasti kulturno-umjetničkog stvaralaštva;
- c) Unapređenje kulturnih sadržaja na području općine Centar;
- d) Afirmacija kulturno-historijskog naslijeđa;
- e) Podsticaj uspostavljanju i jačanju međuregionalne i međunarodne saradnje u oblasti kulture;
- f) Promoviranje estetskih vrijednosti u svim oblastima umjetničkog stvaralaštva;
- g) Podrška kontinuitetu afirmiranih vrijednosti umjetničkog stvaralaštva;
- h) Podsticanje inovativnih pristupa umjetničkom stvaralaštvu;
- i) Podrška tradicionalnim festivalima i manifestacijama iz oblasti kulture i umjetnosti;
- j) Ravnomjerna zastupljenost svih oblasti kulturnog i umjetničkog stvaralaštva;
- k) Stimulisanje, razvoj i unapređenje kulturnog i umjetničkog stvaralaštva na području Općine;

III PRAVO NA DODJELU SREDSTAVA MOŽE OSTVARI TI :

Pravo na dodjelu sredstva mogu ostvariti:

- a) institucije osnovane za obavljanje djelatnosti iz oblasti kulture i umjetnosti od strane Općine Centar Sarajevo, Kantona Sarajevo, Federacije Bosne i Hercegovine i države Bosne i Hercegovine, a koje ispunjavaju opće i posebne kriterije utvrđene Pravilnikom o uslovima i kriterijima za izbor korisnika sredstava Budžeta Općine Centar Sarajevo iz oblasti kulture
- b) kulturno – umjetnička društva koja imaju sjedište na području općine Centar Sarajevo;
- c) udruženja građana koja organizuju festivalske aktivnosti.

IV PRIJAVA NA JAVNI POZIV

Prijava na javni poziv podnosi se na propisanom prijavnom obrascu koji je objavljen u prilogu ovog Javnog poziva na zvaničnoj web stranici Općine Centar Sarajevo. Podnosioci zahtjeva na Javni poziv obavezni su osim uredno popunjenog prijavnog obrasca dostaviti slijedeće dokumente (original ili ovjerene kopije):

1. Opis programa koji obuhvata:
 - a) Cilj programa i ciljne grupe obuhvaćene programom;
 - b) Vrijeme planirane realizacije programa;
 - c) Planirani učinak u odnosu na strateške ciljeve definisane u javnom pozivu;
 - d) Budžet planiranog programa;
2. Uvjerjenje o poreskoj registraciji – ID broj;
3. Izvod iz upisa u registar (za udruženja građana);
4. Rješenje o razvrstavanju - klasifikacija djelatnosti;
5. Potvrda poslovne banke da račun nije blokiran iz koje se vidi broj transakcijskog računa

– ne starija od tri mjeseca;

V KRITERIJI ZA IZBOR KANDIDATA I IZNOS SREDSTVA:

Prilikom procjene predloženih programa vrednovat će se:

- a) društveni i kulturološki značaj predloženog programa izražen kroz jasne i realne ciljeve;
- b) procjena usklađenosti programa sa ciljevima utvrđenim u tekstu javnog poziva te način na koji će projekat osigurati ostvarivanje ciljeva iz člana 2. ovog Pravilnika;
- c) dosadašnje iskustvo i rezultati u organiziranju kulturnih i umjetničkih manifestacija, produkciji u kreativnoj industriji, te rad u oblasti zaštite pokretnog i nepokretnog kulturnog naslijeđa, materijalne i nematerijalne kulturne baštine (broj osposobljenih stručnih osoba s potrebnim kvalifikacijama);
- d) područje djelovanja, odnosno područje jedne ili više lokalnih zajednica, međuentitetska i regionalna kao i šira međunarodna kulturna saradnja;
- e) broj korisnika predloženog programa;
- f) opravdanost i visina predviđenih materijalnih troškova, te učešće pojedinih vrsta izdataka u ukupnom budžetu programa.

Za odobrene programe izdvojiti će se finansijska sredstva u sljedećim iznosima:

- a) Za institucije kulture minimalno 5.000,00 KM, a maksimalno 30.000,00 KM;
- b) Za kulturno – umjetnička društva minimalno 3.000,00 KM, a maksimalno 10.000,00 KM;
- c) Za udruženja građana koja provode festivalske aktivnosti minimalno 1.000,00 KM, a maksimalno 40.000,00 KM.

Općina zadržava pravo korekcije predloženih budžeta ili djelimičnog finansiranja predloženih aktivnosti (sufinansiranja). Ukoliko je iznos traženih sredstva manji od minimalno definisanog iznosa Općina će finansirati stvarni iznos programa. Aplikanti mogu predložiti više različitih programa, ali će Općina finansirati/sufinansirati maksimalno dva (2) programa jednog korisnika sredstva. Od ukupno dodijeljenih sredstava aplikanti mogu iznos od 25% raspodijeliti i utrošiti na plaće uposlenika, honorare i režijske troškove.

VI NAČIN DODJELE NOVČANIH SREDSTAVA

Pristigle zahtjeve će razmatrati Komisija za provođenje postupka odabira korisnika za finansiranje/sufinansiranje programa iz kulture (U daljem tekstu: Komisija za provođenje postupka), a koju imenuje općinski načelnik. Komisija za provođenje postupka dužna je donijeti Poslovnik o radu, načinu odabira programa i obrazloženje za predložene kandidate, nakon čega općinski načelnik objavljuje preliminaru listu odabranih korisnika.

Svaki član komisije će biti isključen iz postupka dodjele ukoliko se utvrdi da je u sukobu interesa u odnosu na podnosioc prijava, a podnosioci prijave imaju mogućnost prijaviti sumnju na postojanje sukoba interesa o kojima će davalac budžetskih sredstava odlučivati pojedinačno po svakoj prijavi.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Nakon okončanog postupka prigovora Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

VII NAČIN PODNOŠENJA ZAHTJEVA I TRAJANJE JAVNOG POZIVA

Javni poziv se objavljuje na web stranici Općine i ostaje otvoren 30 dana od dana objavljivanja.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine ili putem pošte sa naznakom „Javni poziv za izbor korisnika i dodjele sredstava iz Budžeta Općine Centar Sarajevo iz oblasti kulture za 2025. godinu“. Sve dodatne informacije o načinu i postupku prijave na Javni poziv mogu se dobiti putem maila: kultura@centar.ba.

OPĆINSKI NAČELNIK
Srđan Mandić